

DE COMETARVM SIGNIFICATIONIBVS IUDICIVM THOMAE ERASTI Medicinae in Scola Heidelbergensi Professoris:

AD
Candidum Lectorem Epistola.



V M in postremi Cometa apparitione omnium oculi atq; animi, ut sit, in noui miraculi cōsideratione defixi essent, omni loco & tempore de his rebus collocationes fierent, nec quis, uam ferè reperiretur, qui nō vel causas & naturam Cometarum cognoscere cuperet, vel significationem saltem (omnibus enim omninò persuasum est, eos temerè non comparere) animo prauidere desideraret, dixi ipse quoq; ab amicis interrogatus, quam de eorum prænunciatione opinionem haberem. Dixi autem non illud, (ut facere multi solent) quod ex alijs audieram, satisq; compertum non habebam, sed quod vera & recta ratio perspicuè demonstrabat. Eam deinde sententiam rogatu amici paginis aliquot comprehensam descripsi, eiq; expendendam tradidi. Nescio quī factū deinde sit, ut, cū libellus de Auro poculēto excuderetur, unā cum eo passus sim etiam hunc de Cometarum praesagitione commentariolum imprimi. Nec pœnituisset facti (cur enim pœniteret honesti & veri?) si nō tot scateret mēdis typographicis, quæ non obscurum tantū reddiderunt, sed sensum eius verum turpiter alicubi deprauarunt. Quia ergo occasio mihi exstitit præcedētis disceptationis, placuit cum sub incudē reuocare, emaculare, auctioremq; reddere, & nonnulla etiam corrigere, & cum præcedentibus coniungere. Quia enim pars est totius de Cometis disputationis, optimo iure coniungitur, ut simul doctrina tota de Cometis habeatur. Facio eò libētius, quod nuper ad me scripsit vir doctus & grauis, cui videtur non rectè factum.